



AMIT

Agencija za nadzor nad tržištem BiH
Агенција за надзор над тржиштем БиХ
Market Surveillance Agency of B&H

BILTEN

O NESIGURNIM PROIZVODIMA NA TRŽIŠTU BOSNE I HERCEGOVINE

**Zaštita
potrošača**



**Nesigurni
proizvodi**



Godina 4, broj 4,

mart 2017. godine

**IMPRESUM****Osnivač i izdavač**

Agencija za nadzor nad tržištem
Bosne i Hercegovine

Za izdavača

direktor

mr.sc. Aleksandar Golijanin, dipl.ing.geol.

Glavni i odgovorni urednik

Mladen Batković, dipl. ing. maš.

Članovi redakcije

mr.sc. Dražan Primorac, dipl. ing. saob.

mr.sc. Samir Bekto, dipl. ing. maš.

Mičo Drljo, dipl. ing. maš.

Lidija Lovrić, dipl. ing. hem.

Danka Krajišnik, prof. eng. jezika

Gordana Krsmanović Kuskum, dipl. oec.,
LL.M. Eur. Int.

Edin Čerimagić, dipl. ing. građ.

Dizajn

Agencija za nadzor nad tržištem
Bosne i Hercegovine

Tiraž

100 primjeraka

Bilten izlazi jednom godišnje

Prilikom preuzimanja podataka iz ovog
izdanja, obavezno navedite izvor!

PREDGOVOR	3
Proaktivni nadzor u 2016. godini	4
Merdevine za kućnu upotrebu	5
Skejtboardi	6
Bicikli za malu djecu	7
Bicikli za odrasle i mlade	8
Upaljači	9
Cucle za bočice i cucle varalice	10
Nikl u nakitu i odjeći	11
Dimetilfumarat u obući	12
Ftalati u igračkama	13
Teški metali (Pb, Cd i Cr) u igračkama	13
Kozmetička sredstva	14
Električne svjetiljke opće namjene	15
Dječije svjetiljke	16
Električne kvarcne sobne grijalice	17
Mašince za šišanje	18
Ručne električne bušilice	19
Ručni električni trimeri za travu	20
Plutajuća pomagala za učenje plivanja	21
Zaštitna / sigurnosna obuća	22
Zaštitne rukavice za mehaničke rizike	23
Elementi za zidanje od gline	24
Termoizolacioni proizvodi za zgrade	25
Sumarni rezultati nadzora u 2016. godini	26
Lista proizvoda sa ozbiljnim rizikom	28

PREDGOVOR



Poštovane čitateljice i čitaoci,

U ovom izdanju Biltena o nesigurnim proizvodima na tržištu Bosne i Hercegovine objavljujemo rezultate nadzora iz 2016. godine. Zajedničkim radom, Agencija za nadzor nad tržištem Bosne i Hercegovine i inspeksijski organi realizovali su ukupno 22 projekta proaktivnog nadzora. Paleta kontrolisanih proizvoda obuhvatala je širok spektar koji seže od igračaka i proizvoda za djecu, kozmetike, bicikala, lične zaštitne opreme poput zaštitnih rukavica i zaštitne obuće, različitih vrsta električne opreme, zatim mašina (električnih bušilica i trimera) i konačno građevinskih proizvoda.

Ističemo da slobodno kretanje roba na unutrašnjem tržištu predstavlja veliki izazov za nadzor nad tržištem. Na evropskom nivou je 2008. godine usvojena *Uredba o utvrđivanju zahtjeva za akreditaciju i za nadzor nad tržištem u vezi sa stavljanjem proizvoda na tržište*, koja predstavlja jedinstven pravni osnov za nadzor nad tržištem u Evropskoj uniji, sa ciljem da se uspostavi efikasan nadzor, odnosno visok i jednak nivo zaštite potrošača od nesigurnih proizvoda na teritoriji cijele Evropske unije. Bosni i Hercegovini, u narednom periodu, predstoji zadatak da svoje zakonodavstvo u oblasti nadzora nad tržištem uskladi sa evropskim i da uspostavi efikasne mehanizme za njegovu implementaciju.

U okviru postojeće zakonske regulative i kapaciteta koji nam stoje na raspolaganju, u saradnji sa inspeksijskim organima, nastojimo da postignemo maksimum na polju zaštite potrošača u Bosni i Hercegovini. Napominjemo da u našoj zemlji postoji još čitav niz institucija koje se bave pojedinim segmentima zaštite potrošača, a da Agencija za nadzor nad tržištem Bosne i Hercegovine, kao jedna od tih institucija, radi na zaštiti sigurnosnih interesa potrošača.

Stoga, u cilju informisanja i podizanja svijesti javnosti o značaju sigurnosti neprehrambenih proizvoda, dijelimo vam savjete koji vam mogu koristiti u svakodnevnom životu. Na stranicama koje slijede možete pročitati detalje o proizvodima koji su bili predmet nadzora u protekloj godini.

Zapamtite: ***Samo informisan potrošač je zaštićen potrošač!***

Gordana Krsmanović Kusmuk



PROAKTIVNI NADZOR U 2016. GODINI

Kako bi se utvrdilo da li određene grupe proizvoda, koje se stavljaju na tržište Bosne i Hercegovine, ispunjavaju sigurnosne zahtjeve iz propisa koji su na snazi u Bosni i Hercegovini, Agencija za nadzor nad tržištem Bosne i Hercegovine je u saradnji sa inspektoratima entiteta i Brčko distrikta Bosne i Hercegovine, u 2016. godini realizovala 22 projekta proaktivnog nadzora neprehrambenih potrošačkih proizvoda u skladu sa Godišnjim planom nadzora nad tržištem za 2016. godinu.

Grupa proizvoda	Pravni osnov
1. Merdevine za kućnu upotrebu 2. Skejtbordi 3. Bicikli za malu djecu 4. Bicikli za odrasle i mlade 5. Upaljači 6. Ftalati u igračkama 7. Dimetilfumarat u obući	Zakon o općoj sigurnosti proizvoda („Službeni glasnik BiH”, broj 102/09)
8. Cucle za bočice i cucle varalice	Pravilnik o otpuštanju N-nitrozamina i prekursora N-nitrozamina, tvari iz elastomernih ili gumenih cucli za bočice i cucli varalice („Službeni glasnik BiH”, broj 42/10)
9. Nikl u nakitu i odjeći	Pravilnik o izmjenama i dopunama pravilnika o uslovima za ograničenje i zabranu proizvodnje, prometa i korištenja hemikalija („Službeni glasnik RS”, broj 63/13)
10. Teški metali (Pb, Cd i Cr) u igračkama 11. Kozmetička sredstva	Pravilnik o uslovima u pogledu zdravstvene ispravnosti predmeta opće upotrebe koji se mogu stavljati u promet („Službeni list SFRJ”, br. 26/83, 61/84, 56/86, 50/89 i 18/91)
12. Električne svjetiljke opće namjene 13. Dječije svjetiljke 14. Električne kvarcne sobne grijalice 15. Mašine za šišanje	Naredba o električnoj opremi namijenjenoj za upotrebu unutar određenih naponskih granica („Službeni glasnik BiH”, broj 98/09)
16. Ručne električne bušilice 16. Ručni električni trimeri za travu	Naredba o sigurnosti mašina („Službeni glasnik BiH”, broj 04/10)
18. Plutajuća pomagala za učenje plivanja 19. Zaštitna / sigurnosna obuća 20. Zaštitne rukavice za mehaničke rizike	Naredba o ličnoj zaštitnoj opremi („Službeni glasnik BiH”, broj 75/10)
21. Elementi za zidanje od gline 22. Termoizolacioni proizvodi za zgrade	Zakon o građevinskim proizvodima u FBiH („Službene novine FBiH”, broj 78/09) Zakon o građevinskim proizvodima u RS („Službeni glasnik RS”, broj 5/12)

SAMOSTOJEĆE MERDEVINE ZA KUĆNU UPOTREBU



SAVJETI PRILIKOM KUPOVINE

Prilikom kupovine samostojećih merdevina za kućnu upotrebu savjetujemo potrošače da obrate pažnju na sljedeće:

➤ Da li se na proizvodu nalaze obavezne oznake / informacije?

Osnovne informacije trebaju biti u obliku jasnih vidljivih piktograma koji moraju biti na svim merdevinama. Svaki piktogram mora biti minimalne veličine 15 x 15 mm. Dodatne oznake za sve merdevine trebaju sadržavati sljedeće podatke: identifikaciju i adresu proizvođača i / ili distributera, tip merdevina (opis tipa, količinu i dužinu dijelova, maksimalnu dužinu merdevina kod upotrebe), mjesec i godinu proizvodnje i/ili serijski broj, oznaku nagiba za merdevine, maksimalno ukupno opterećenje, maksimalan broj korisnika dopušten na merdevinama, težinu merdevina nakon proizvodnje (u kg) i izolaciju, ako je ima.



➤ Da li je uputstvo za upotrebu priloženo uz proizvod?

Uputstvo za korisnike mora biti priloženo uz svake merdevine i napisano na jednom od jezika koji su u službenoj upotrebi u Bosni i Hercegovini. Uputstvo, koje se prilaže uz merdevine, treba sadržavati informacije u vezi sa:

- instrukcijama prije upotrebe merdevina,
- postavljanju i uspravljanju merdevina,
- upotrebi merdevina,
- popravkama, održavanju i skladištenju merdevina.

➤ Da li proizvod ima vidljivih sigurnosnih nedostataka?

Prilikom kupovine možete provjeriti sljedeće: merdevine trebaju imati sigurnosni mehanizam protiv razmicanja krakova, donji krajevi merdevina trebaju biti protuklizni i dostupni dijelovi merdevina ne smiju biti oštri.


Samostojeće merdevine za kućnu upotrebu su namijenjene za obavljanje poslova u kući, mogu biti s prečkama ili stepenicama i imaju svoj vlastiti oslonac. Najčešći rizik kojem mogu biti izloženi korisnici prilikom upotrebe merdevina je rizik od povrede, usljed pada.

PRAVNI OSNOV

Da bi se samostojeće merdevine za kućnu upotrebu mogle staviti na tržište Bosne i Hercegovine one moraju biti sigurne u skladu sa Zakonom o općoj sigurnosti proizvoda („Službeni glasnik BiH”, broj 102/09).

REZULTATI NADZORA SAMOSTOJEĆIH MERDEVINA ZA KUĆNU

U okviru aktivnosti nadzora nad tržištem samostojećih merdevina za kućnu upotrebu, utvrđene su neusklađenosti na 8 od 9 kontrolisanih modela merdevina (od čega je 7 sa ozbiljnim rizikom od povreda), u navedenim količinama (komada):



Najčešće neusklađenosti su se odnosile na sljedeće: trajne deformacije pragova merdevina, nedopuštene ugibe na merdevinama, neodgovarajuće funkcionalne dimenzije merdevina, nepotpune oznake i uputstva za upotrebu.



SKEJTBORDI

SAVJETI PRILIKOM KUPOVINE

Prilikom kupovine skejtborda savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

Na proizvodu se trebaju nalaziti sljedeće oznake / informacije:

- oznaka standarda (BAS) EN 13613,
- naziv, trgovačka marka proizvođača, ili drugi način identifikacije proizvođača ili maloprodaje,
- identifikacija proizvoda,
- informacija o maksimalnoj masi korisnika,
- preporuka o upotrebi zaštitne opreme.

➤ **Da li postoji upozorenje na proizvodu?**

Na skejtbordu mora da bude naveden sigurnosni kod: „Upozorenje - Vožnja skejtbordom može biti opasna”.

➤ **Da li moraju biti priložene i druge informacije uz proizvod?**

Informacije koje navodi proizvođač moraju biti priložene uz svaki skejtbord koji se prodaje i iste moraju biti napisane na jednom od službenih jezika u Bosni i Hercegovini. Ove informacije moraju sadržavati, u formi teksta ili slika, informacije o konstrukciji skejtborda, uputstva



za upotrebu, te uputstva za održavanje i servisiranje.

➤ **Da li proizvod ima vidljivih sigurnosnih nedostataka?**

Skejtbordi moraju imati gornju površinu od protukliznog materijala i iznad te površine ne smije biti nikakvih dijelova koji strše. Svi dijelovi skejtborda koji dolaze u kontakt sa dijelovima tijela korisnika moraju biti zaobljeni i ne smiju imati oštre ivice.


Skejtbordi spadaju u opremu za sport i rekreaciju i namijenjeni su za jednu osobu. Skejtbordi se dijele u dvije klase: klasa A - skejtbordi koji su namijenjeni za korisnike mase od 20 do 100 kg i klasa B - skejtbordi koji su namijenjeni za korisnike mase od 20 do 50 kg.

PRAVNI OSNOV

Da bi se skejtbordi mogli staviti na tržište Bosne i Hercegovine oni moraju biti sigurni u skladu sa Zakonom o općoj sigurnosti proizvoda („Službeni glasnik BiH”, broj 102/09).

REZULTATI NADZORA SKEJTBORDA

U okviru aktivnosti nadzora nad tržištem skejtborda, utvrđene su neusklađenosti na 5 od 5 kontrolisanih modela skejtborda (od čega je svih 5 sa ozbiljnim rizikom od povreda), u navedenim količinama (komada):



Najčešće neusklađenosti odnosile su se na: slomljenu dasku ili osovinu točkica skejtborda, oštre ivice, gornju površinu daske koja nije protuklizna, nepotpune informacije koje navodi proizvođač i oznake.

BICIKLI ZA MALU DJECU



SAVJETI PRILIKOM KUPOVINE

Prilikom kupovine bicikla za malu djecu savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

Na proizvodu se trebaju nalaziti sljedeće oznake / informacije:

- broj rama na vidljivom mjestu na biciklu,
- naziv proizvođača ili njegovog predstavnika,
- broj standarda BAS EN ISO 8098 ili EN ISO 8098.

➤ **Da li je uputstvo za upotrebu priloženo uz proizvod?**

Uputstvo za upotrebu mora biti priloženo uz svaki bicikl koji se prodaje i mora biti napisano na jednom od službenih jezika u Bosni i Hercegovini. Generalno, uputstvo mora sadržavati: informacije o predviđenoj namjeni bicikla sa upozorenjima o



opasnostima od nepravilne upotrebe, informacije o pripremi za vožnju, uputstvo za sigurno korištenje bicikla, informacije o ispravnom postupku montaže svih dijelova, informacije o podmazivanju dijelova bicikla, informacije o podešavanju određenih dijelova bicikla, te informacije o postavljanju, podešavanju i skidanju pomoćnih točkova.

➤ **Da li proizvod ima vidljivih sigurnosnih nedostataka?**

Prilikom kupovine bicikla možete provjeriti

sljedeće: bicikl mora imati najmanje dvije kočnice, jednu za prednji i jednu za zadnji točak; mora imati zaštitnik oko lanca koji u potpunosti prekriva vanjsku stranu i rubove lanca, prednji i zadnji lančanik i unutrašnju stranu prednjeg lančanika; dijelovi bicikla koji dolaze u kontakt sa rukama i nogama djeteta ne smiju biti oštri.

Bicikli za malu djecu su namijenjeni za djecu težine do približno 30 kg. Ovi bicikli mogu imati maksimalnu visinu sjedišta u rasponu između 435 i 635 mm. Najčešći rizik kojem su izložena djeca prilikom vožnje bicikla je rizik od povrede usljed pada.

PRAVNI OSNOV

Da bi se bicikli za malu djecu mogli staviti na tržište Bosne i Hercegovine oni moraju biti sigurni u skladu sa Zakonom o općoj sigurnosti proizvoda („Službeni glasnik BiH”, broj 102/09).

REZULTATI NADZORA BICIKALA ZA MALU DJECU

U okviru aktivnosti nadzora nad tržištem bicikala za malu djecu, utvrđene su neusklađenosti na 7 od 7 kontrolisanih modela bicikala (od čega je 6 sa ozbiljnim rizikom od povreda), u navedenim količinama (komada):



Najčešće neusklađenosti odnosile su se na sljedeće: neispravne kočnice, nepotpunu zaštitu oko lanca, oštre ivice, nedovoljno osno rastojanje između zadnjeg točka i pomoćnih točkova, neodgovarajući prečnik ručki upravljača, nepotpune oznake i uputstva za upotrebu.



BICIKLI ZA ODRASLE I MLADE

SAVJETI PRILIKOM KUPOVINE

Prilikom kupovine bicikla za odrasle i mlade savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

- broj rama na vidljivom mjestu,
- naziv proizvođača ili njegovog predstavnika,
- broj standarda BAS EN ISO 4210-2.



➤ **Da li je uputstvo za upotrebu priloženo uz proizvod?**

Uputstvo za upotrebu mora biti priloženo uz svaki bicikl i napisano na jednom od jezika koji su u službenoj upotrebi u Bosni i Hercegovini. Uputstvo mora sadržavati najmanje sljedeće ili slične informacije: predviđena namjena bicikla sa upozorenjima o opasnostima od nepravilne upotrebe, priprema za vožnju, preporuke za sigurnu vožnju, napomene o specifičnim rizicima, ispravan postupak podešavanja, montaže i održavanja pojedinih dijelova bicikla i sl.

➤ **Da li proizvod ima vidljivih sigurnosnih nedostataka?**

- dijelovi bicikla koji dolaze u kontakt sa rukama ili nogama korisnika, ne smiju biti oštri,
- bicikl mora biti opremljen sa najmanje dva kočiona sistema, za prednji i zadnji točak,
- na krajevima upravljača moraju se nalaziti ručke ili čepovi,
- cijev upravljača i stub sjedišta moraju imati trajne poprečne oznake koje označavaju minimalnu dubinu umetanja cijevi u viljušku odnosno stuba u ram.


U bicikle za odrasle i mlade spadaju gradski i rekreativni bicikli, planinski bicikli i trkački bicikli koji imaju maksimalnu visinu sjedišta 635 mm ili više, te bicikli za mlade koji imaju maksimalnu visinu sjedišta od 635 mm do 750 mm.

PRAVNI OSNOV

Da bi se bicikli za odrasle i mlade mogli staviti na tržište Bosne i Hercegovine oni moraju biti sigurni u skladu sa Zakonom o općoj sigurnosti proizvoda („Službeni glasnik BiH”, broj 102/09).

REZULTATI NADZORA BIKIKALA ZA ODRASLE I MLADE

U okviru aktivnosti nadzora nad tržištem bicikala, utvrđene su neusklađenosti na 7 od 7 kontrolisanih modela bicikala, u navedenim količinama (komada):



Najčešće neusklađenosti odnosile su se na oštre ivice i zakretanje cijevi upravljača u odnosu na viljušku upravljača.

UPALJAČI



SAVJETI PRILIKOM KUPOVINE

Prilikom kupovine upaljača savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

Upaljači moraju imati trajni logo ili naziv koji identificira proizvođača ili distributera.

➤ **Da li moraju biti priložene neke druge informacije uz proizvod?**



Svi upaljači moraju imati odgovarajuće sigurnosne informacije (instrukcije i upozorenja) koje mogu biti u obliku teksta ili u obliku sigurnosnih simbola koji zamjenjuju sve postojeće tekstualne instrukcije i upozorenja, ili u obliku teksta i sigurnosnih simbola zajedno. Na mjestu prodaje trebaju biti sljedeći sigurnosni simboli i / ili informacije na upaljaču ili pakovanju ili brošuri ili letku priloženom uz upaljač:

- Riječ „UPOZORENJE” i / ili simbol:  ili 
- Tekst: „DRŽATI DALJE OD DJECE” i / ili „DRŽATI IZVAN DOHVATA DJECE” ili simbol: 
- Tekst „OPREZ, RIZIK OD POŽARA” i / ili simbol:  ili 
- Tekst „NIKADA NE IZLAGATI TOPLOTI IZNAD 50°C” i / ili „DUGOTRAJNOJ SUNČEVOJ SVJETLOSTI” i / ili simbol: 

➤ **Da li proizvod ima vidljivih sigurnosnih nedostataka?**

Prilikom kupovine upaljača možete provjeriti sljedeće: plamen na upaljaču treba biti miran i stabilan (upaliti upaljač i pustiti ga da gori 5 s), maksimalna visina plamena ne smije biti veća od 120 mm za podesive upaljače ili 50 mm za nepodesive upaljače, plamen treba goriti kraće od 2 s nakon što se upaljač prestane koristiti.


Upaljač je ručno upravljana naprava za proizvodnju vatre koja kao gorivo koristi petrohemijske derivate i upotrebljava se za paljenje cigareta, cigara i lula, te koji se može upotrijebiti za paljenje materijala kao što su papir, fitilji, svijeće i lampioni.

PRAVNI OSNOV

Da bi se upaljači mogli staviti na tržište Bosne i Hercegovine oni moraju biti sigurni u skladu sa Zakonom o općoj sigurnosti proizvoda („Službeni glasnik BiH”, broj 102/09).

REZULTATI NADZORA UPALJAČA

U okviru aktivnosti nadzora nad tržištem upaljača, utvrđene su neusklađenosti na 8 od 8 kontrolisanih modela upaljača (niti jedan upaljač nije bio s ozbiljnim rizikom) u navedenim količinama (komada):



Najčešće neusklađenosti na upaljačima odnosile su se na sljedeće: nepostojanje trajnog loga proizvođača na upaljačima i nepostojanje odgovarajućih sigurnosnih upozorenja na upaljačima ili na ambalaži upaljača.



CUCLE ZA BOČICE I CUCLE VARALICE

SAVJETI PRILIKOM KUPOVINE

Prilikom kupovine cucli savjetujemo potrošače da obrate pažnju na sljedeće:

- cucle ne bi trebale imati sitne odvojive dijelove koje dijete može progutati,
- rubovi trebaju biti zaštićeni ili zaobljeni kako bi se izbjegao rizik od posjekotina i rana,
- štitnici cucli moraju biti dovoljno veliki i čvrsti kako bi se spriječilo kompletno uvlačenje cucle u usta,
- štitnik mora imati otvore za vazduh,
- ako koristite držač cucle, vrpca ne bi trebala biti duža od 22 cm, kako bi se izbjegao rizik da se vrpca omota bebi oko vrata,
- označavanje mora sadržavati sve informacije, uputstva i upozorenja potrebna roditeljima za sigurnu i pravilnu upotrebu.



Cucula je proizvod koji se koristi da zadovolji potrebu za sisanjem ili da umiri djecu. Nitrozamini su štetni i kancerogeni spojevi (opće strukture $R_1N(-R_2)-N=O$), prisutni u brojnim proizvodima, uključujući proizvode od gume.

PRAVNI OSNOV

Cucle za bočice i cucle varalice od elastomera ili gume koje se stavljaju na tržište Bosne i Hercegovine moraju biti u skladu sa odredbama Pravilnika o otpuštanju N-nitrozamina i prekursora N-nitrozamina, tvari iz elastomernih ili gumenih cucli za bočice i cucli varalica („Službeni glasnik BiH”, broj 42/10).

REZULTATI NADZORA CUCLI ZA BOČICE I CUCLI VARALICA

U okviru aktivnosti nadzora nad tržištem cucli za bočice i cucli varalica, sa tržišta Bosne i Hercegovine, je uzeto 7 uzoraka cucli različitih robnih marki za koje je laboratorijskom analizom utvrđeno da svi uzorci cucli odgovaraju propisanim vrijednostima iz navedenog Pravilnika.

Prema Pravilniku o otpuštanju N-nitrozamina i prekursora N-nitrozamina, tvari iz elastomernih ili gumenih cucli za bočice i cucli varalica, iz cucli ne smiju migrirati u tečnost za ispitivanje sljedeće količine N-nitrozamina i prekursora N-nitrozamina:

- 0,01 mg ukupnih N-nitrozamina otpuštenih / kg (sa dijelova cucli za bočice ili cucli varalica izrađenih od elastomera ili gume),
- 0,1 mg ukupnih prekursora N-nitrozamina / kg (sa dijelova cucli za bočice ili cucli varalica izrađenih od elastomera ili gume).

NIKL U NAKITU I ODJEĆI



JESTE LI ALERGIČNI NA NIKL?

Ako vam nošenje naušnica uzrokuje svrbež ili vaša ogrlica izaziva osip oko vrata, moguće je da ste alergični na nikl.

Simptomi alergije na nikl uključuju:

- Osip,
- Svrbež,
- Crvenilo ili promjene u boji kože,
- Suhe mrlje na koži, koje mogu nalikovati na opekotine,
- Plikove i curenje tečnosti u teškim slučajevima.



Nikl je alergen koji se često nalazi u nakitu (naušnice, narukvice, lančići ili prstenje), kovanicama, priboru za jelo i mnogim drugim predmetima s kojima se susrećemo svakodnevno. Smatra se da je alergija na nikl najčešća kontaktna alergija.

Alergijska reakcija (kontaktni dermatitis) obično započinje u roku od 12 do 48 sati nakon izlaganja. Liječenje ima za cilj ublažiti simptome alergije na nikl, međutim, osobe trajno ostaju osjetljive na nikl trebaju izbjegavati kontakt sa predmetima koji mogu sadržavati nikl.

Proizvod povučen sa tržišta Bosne i Hercegovine zbog prekomjerne količine nikla - metalni drukeri.




PRAVNI OSNOV

Sadržaj nikla u proizvodima koji su namijenjeni direktnom i produženom kontaktu sa kožom mora biti u skladu sa Pravilnikom o izmjenama i dopunama pravilnika o uslovima za ograničenje i zabranu proizvodnje, prometa i korištenja hemikalija („Službeni glasnik RS”, broj 63/13).

REZULTATI NADZORA NIKLA U NAKITU I ODJEĆI

U okviru aktivnosti nadzora proizvoda koji dolaze u direktni i dugotrajni kontakt sa kožom, laboratorijskom analizom je utvrđeno za 1 od 10 ispitanih modela da količina nikla koja se oslobađa iz proizvoda prelazi graničnu vrijednost od 0,5 µg/cm² sedmično, u navedenim količinama (komada):



NAPOMENA: Navedeni Pravilnik u primjeni je na području Republike Srpske.



DIMETILFUMARAT U OBUĆI

SAVJETI PRILIKOM KUPOVINE

Prilikom kupovine obuće savjetujemo potrošače da obrate pažnju na sljedeće:

- ne kupujte obuću bez deklaracije,
- izbjegavajte prodavnice na kojima nije precizno navedeno ime vlasnika,
- ne kupujte obuću ako se osjeća jak miris hemikalija,
- kada želite probati obuću, ne obuvajte je na bosu nogu,
- ako primjetite bilo kakvu kožnu reakciju (crvenilo, svrab ili plikove), obratite se ljekaru.



Dimetilfumarat (DMF) je biocid koji se koristi za zaštitu proizvoda, kao što su namještaj, cipele i odjeća, od plijesni prilikom skladištenja ili transportovanja u vlažnim uslovima. DMF može izazvati bolan kontaktni dermatitis, uključujući svrab, iritacije, crvenilo i opekotine.

PRAVNI OSNOV

Odlukom o zabrani stavljanja na tržište potrošačkih proizvoda koji sadrže biocid dimetilfumarat („Službeni glasnik BiH”, broj 03/10) se propisuje zabrana stavljanja na tržište ili činjenje dostupnim na tržištu Bosne i Hercegovine proizvoda koji sadrže biocid dimetilfumarat.

REZULTATI NADZORA DIMETILFUMARATA U OBUĆI

Tokom provođenja projekta, sa tržišta Bosne i Hercegovine je uzeto 20 uzoraka obuće različitih robnih marki za laboratorijsku analizu. Laboratorijska analiza nije pokazala prisutnost dimetilfumarata u uzorcima obuće.

Prema Odluci o zabrani stavljanja na tržište potrošačkih proizvoda koji sadrže biocid dimetilfumarat:

„Proizvod koji sadrži DMF” je svaki proizvod ili dio proizvoda, koji dolazi u kontakt sa kožom potrošača, ukoliko je:

- 1) postojanje DMF-a deklarirano, npr. na jednoj ili više kesica, ili
- 2) koncentracija DMF-a veća od 0,1 mg/kg mase proizvoda ili dijela proizvoda.

FTALATI I TEŠKI METALI U IGRAČKAMA



REZULTATI NADZORA FTALATA U IGRAČKAMA

Igračke su proizvodi isključivo ili neisključivo projektovani ili namijenjeni za igru djece do 14 godina starosti i ne bi trebali, izazvati nikakvu opasnost za zdravlje i život njihovih korisnika, uključujući opasnost od izlaganja hemijskim tvarima.



Ftalati (diesteri ftalatne kiseline) su organski spojevi koji se koriste kao plastifikatori ili omekšivači, tj. u svrhu poboljšanja savitljivosti različitih vrsta plastika. Mogu izazvati alergije, toksični su za reprodukciju (mogu štetno da utiču na plodnost i plod), te remete rad hormonskog sistema (endokrini disruptori).

U okviru aktivnosti nadzora nad tržištem dječjih igračaka na sadržaj ftalata, utvrđeno je da 17 od 28 ispitanih uzoraka igračaka sadrži ftalate u koncentraciji većoj od 0,1% mase plastificiranog materijala, u navedenim količinama (komada):



PRAVNI OSNOV

Igračke koje se stavljaju na tržište Bosne i Hercegovine u pogledu sadržaja ftalata moraju zadovoljiti zahtjeve Odluke o ograničavanju stavljanja na tržište igračaka i proizvoda za djecu koji sadrže ftalate („Službeni glasnik BiH”, broj 04/10).

REZULTATI NADZORA TEŠKIH METALA (Pb, Cd i Cr) U IGRAČKAMA

U okviru aktivnosti nadzora nad tržištem dječjih igračaka na sadržaj teških metala sa tržišta Bosne i Hercegovine je uzeto 16 uzoraka igračaka različitih robnih marki. Laboratorijskom analizom je utvrđeno da su svi ispitani uzorci usklađeni sa propisanim graničnim vrijednostima Pravilnika o uslovima u pogledu zdravstvene ispravnosti predmeta opće upotrebe koji se mogu stavljati u promet¹ („Službeni list SFRJ”, br. 26/83, 61/84, 56/86, 50/89 i 18/91).



¹Na području Republike Srpske 09.03.2016. godine stupio je na snagu Pravilnik o sigurnosti dječjih igračaka („Službeni glasnik RS”, broj 18/15) u kome se zahtjevi za teške metale razlikuju od zahtjeva u navedenom Pravilniku, a koji je i dalje u primjeni na području Federacije BiH.



KOZMETIČKA SREDSTVA

RIZIK ZA POTROŠAČE

Sredstava za održavanje lične higijene, njegu i uljepšavanje lica i tijela mogu sadržavati toksične sastojke, koji u slučaju da su inhalirani, progutani ili penetrirani u kožu mogu prouzrokovati ozbiljne, akutne ili hronične rizike po zdravlje.

- Olovo (Pb) je poznat neurotoksin, koji uzrokuje ozbiljne posljedice u moždanom sistemu koji se razvija.
- Kadmij (Cd) najviše oštećuje bubrege, remeti funkciju jetre, gušterače, te različitih žlijezda.

Upotreba olova i kadmija u kozmetičkim proizvodima **zabranjena** je u Evropskoj uniji.

- Kozmetički proizvodi mogu biti kontaminirani mikroorganizmima. Mikroorganizmi su najčešće uzrok organoleptičkih promjena, kao što su neugodan miris, te promjene u viskoznosti i boji kozmetičkih proizvoda. U malim količinama ne predstavljaju mnogo problema, ali kada se množe, mogu izazvati različite vrste zdravstvenih problema, uključujući infekcije kože i očiju.

Sredstvima za održavanje lične higijene, njegu i uljepšavanje lica i tijela smatraju se sredstva koja: dolaze u dodir sa sluznicom, ostaju duže vrijeme na koži, te sredstva koja se poslije kratkog vremena odstranjuju sa kože ili se koriste za uljepšavanje i bojenje kose ili noktiju.



PRAVNI OSNOV

Kozmetička sredstva koja se stavljaju na tržište moraju biti u skladu sa odredbama Pravilnika o uslovima u pogledu zdravstvene ispravnosti predmeta opće upotrebe koji se mogu stavljati u promet („Službeni list SFRJ”, br. 26/83, 61/84, 56/86, 50/89 i 18/91).

REZULTATI NADZORA KOZMETIČKIH SREDSTAVA

U okviru aktivnosti nadzora nad tržištem kozmetičkih sredstava, sa tržišta Bosne i Hercegovine, uzeto je 25 uzoraka u cilju utvrđivanja migracije teških metala olova (Pb) i kadmija (Cd) iz sredstava za uljepšavanje i bojenje usana i očiju (karmini i sjene za oči), te mikrobiološke ispravnosti sredstava koja se poslije kratkog vremena odstranjuju sa kože (odstranjivači šminke). Laboratorijskom analizom je utvrđeno da su svi ispitani uzorci usklađeni sa propisanim graničnim vrijednostima Pravilnika o uslovima u pogledu zdravstvene ispravnosti predmeta opće upotrebe koji se mogu stavljati u promet.

NAPOMENA: Na području Republike Srpske 06.03.2016. godine stupio je na snagu Pravilnik o sigurnosti predmeta široke potrošnje („Službeni glasnik RS”, broj 18/15). Pravilnik koji je korišten kao pravni osnov pri realizaciji ovog projekta i dalje je u primjeni na području Federacije BiH.

ELEKTRIČNE SVJETILJKE OPĆE NAMJENE



SAVJETI PRILIKOM KUPOVINE

Prilikom kupovine električnih svjetiljki opće namjene savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

Na proizvodu se trebaju nalaziti najmanje sljedeće oznake / informacije: oznaka proizvođača ili njegove robne marke, oznaka modela / tipa uređaja, CE (C) oznaka koja pokazuje da je proizvod usklađen sa svim propisima i standardima koji se na njega odnose, vrijednost naznačenog napona ili raspona napona u voltima (V), vrijednost snage uređaja kao zbir snaga svih sijalica u vatima ($n \times \text{MAX} \dots W$), oznaka prirode napona (~) ili frekvencije uređaja (Hz) i oznaka klase zaštite.

➤ **Da li je uputstvo za upotrebu priloženo uz proizvod?**

Uputstvo za upotrebu mora biti priloženo uz proizvod i napisano na jednom od jezika koji su u službenoj upotrebi u Bosni i Hercegovini. Uputstvo mora sadržavati sve detalje potrebne za sigurnu instalaciju, korištenje i održavanje proizvoda.

➤ **Da li proizvod ima vidljivih sigurnosnih nedostataka?**



Kontaktne igle utikača moraju biti fiksirane, paralelne i nije ih moguće pomjerati rukom iz osnovnog položaja. Za uređaje klase zaštite I, na utikaču moraju postojati kontakti za uzemljenje. Na uređaju ne smiju biti dostupni dijelovi pod naponom. Spoj između napojnog kabla i utikača, kabla i tijela uređaja, te kabla i sijaličnih grla mora biti odgovarajuće učvršćen (tzv. „Sidro“). Uređaj mora imati odgovarajuću mehaničku čvrstinu i stabilnost.

Električne svjetiljke opće namjene su proizvodi koji imaju funkciju osvjetljavanja svih zatvorenih stambenih i poslovnih prostorija.


PРАВNI OSNOV

Da bi se električne svjetiljke opće namjene mogle staviti na tržište Bosne i Hercegovine one moraju biti sigurne u skladu sa Naredbom o električnoj opremi namijenjenoj za upotrebu unutar određenih naponskih granica („Službeni glasnik BiH“, broj 98/09).

Uređaj mora imati odgovarajuću mehaničku čvrstinu i stabilnost.

REZULTATI NADZORA ELEKTRIČNIH SVJETILJKI OPĆE NAMJENE

U okviru aktivnosti nadzora nad tržištem električnih svjetiljki opće namjene utvrđene su neusklađenosti na 3 od 7 kontrolisanih modela svjetiljki, od čega su sva 3 modeli sa ozbiljnim rizikom od strujnog udara i požara, u navedenim količinama (komada):



Najčešće neusklađenosti odnosile su se na sljedeće: površina poprečnog presjeka provodnika u kablu je manja od minimalno dozvoljene i uređaj nije propisno označen.



ELEKTRIČNE DJEČIJE SVJETILJKE

SAVJETI PRILIKOM KUPOVINE

Prilikom kupovine električnih dječijih svjetiljki savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

Na proizvodu se trebaju nalaziti najmanje sljedeće oznake / informacije: oznaka proizvođača ili njegove robne marke, oznaka modela / tipa uređaja, CE (C) oznaka koja pokazuje da je proizvod usklađen sa svim propisima i standardima koji se na njega odnose, vrijednost naznačenog napona u voltima (V), vrijednost snage uređaja kao zbir snaga svih sijalica u vatima ($n \times \text{MAX} \dots W$), oznaka prirode napona (\sim) ili frekvencije uređaja (Hz) i oznaka klase zaštite.

➤ **Da li je uputstvo za upotrebu priloženo uz proizvod?**

Uputstvo za upotrebu mora biti priloženo uz proizvod i napisano na jednom od jezika koji su u službenoj upotrebi u Bosni i Hercegovini. Uputstvo mora sadržati sve detalje potrebne za sigurnu instalaciju, korištenje i održavanje proizvoda.

➤ **Da li proizvod ima vidljivih sigurnosnih nedostataka?**



Uređaj mora imati transformator koji snižava radni napon uređaja na napon manji od 24 V. Napojni kabal ne smije biti duži od 2 m. Uređaj ne smije imati sitne dijelove koje djeca mogu progutati i tako se dovesti u opasnost od gušenja. Na uređaju ne smiju biti dostupni vrela dijelovi ili dijelovi pod naponom. Spoj između napojnog kabla i utikača, kabla i tijela uređaja, te

kabla i sijaličnih grla mora biti odgovarajuće učvršćen (tzv. „Sidro“). Uređaj mora imati odgovarajuću mehaničku čvrstoću i stabilnost tako da izdrži uslove predvidljive upotrebe.


Dječija električna svjetiljka je proizvod koji služi za osvjetljenje prostora u dječijim sobama. Od običnih električnih svjetiljki se razlikuju po tome što posjeduju boje, oblik, zvuk i druge karakteristike zbog kojih ih dijete može zamijeniti za igračku.

PRAVNI OSNOV

Da bi se dječije svjetiljke mogle staviti na tržište Bosne i Hercegovine one moraju biti sigurne u skladu sa Naredbom o električnoj opremi namijenjenoj za upotrebu unutar određenih naponskih granica („Službeni glasnik BiH”, broj 98/09).

REZULTATI NADZORA ELEKTRIČNIH DJEČIJIH SVJETILJKI

U okviru aktivnosti nadzora nad tržištem dječijih svjetiljki utvrđene su neusklađenosti na 7 od 7 kontrolisanih modela svjetiljki, od čega su svi modeli sa ozbiljnim rizikom od strujnog udara i požara, u navedenim količinama (komada):



Najčešće neusklađenosti odnosile su se na sljedeće: uređaj nije propisno konstruisan, površina poprečnog presjeka provodnika u kablju je manja od minimalno dozvoljene i uređaj nije propisno označen .

PRENOSNE KVARCNE SOBNE GRIJALICE



SAVJETI PRILIKOM KUPOVINE

Prilikom kupovine kvarcnih sobnih grijalica savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

Na proizvodu se moraju nalaziti sljedeće oznake / informacije:

- naziv proizvođača ili oznaka robne marke,
- oznaka modela ili tipa uređaja,
- CE (C) znak usklađenosti,
- vrijednost naznačenog napona ili raspona napona u voltima (V),
- vrijednost snage u vatima (W) ili vrijednost naznačene struje u amperima (A),
- oznaka prirode napona (~) ili frekvencije u hercima (Hz),
- oznaka klase zaštite.

➤ **Da li je uputstvo za upotrebu priloženo uz proizvod?**

Uputstvo za upotrebu mora biti priloženo uz svaku grijalicu i mora biti napisano na jednom od službenih jezika u Bosni i Hercegovini. Uputstvo mora sadržavati sve informacije potrebne za sigurnu montažu grijalice, njeno korištenje i održavanje.



➤ **Da li proizvod ima vidljivih sigurnosnih nedostataka?**

Na grijalici ne smiju biti dostupni dijelovi pod naponom, niti smiju postojati dijelovi koji se mogu skinuti bez alata, a čijim skidanjem postaju dostupni dijelovi pod naponom. Grijalica mora imati zaštitnu rešetku koja se ne može skinuti bez upotrebe dodatnog alata i konstruisanu tako da kroz njene otvore nije moguće prstima dodirnuti grijače.


Kvarcna grijalica je uređaj koji služi za zagrijavanje prostora. Zagrijavanje se vrši pomoću jednog ili više grijača koji električnu energiju pretvara u toplotnu. Najčešći rizici kojim su izloženi potrošači prilikom korištenja kvarcne grijalice su požar i strujni udar.

PRAVNI OSNOV

Kvarcne grijalice spadaju u električnu opremu i moraju biti u skladu sa Naredbom o električnoj opremi namijenjenoj za upotrebu unutar određenih naponskih granica („Službeni glasnik BiH”, broj 98/09)

REZULTATI NADZORA KVARCNIH SOBNIH GRIJALICA

U okviru aktivnosti nadzora nad tržištem kvarcnih sobnih grijalica, utvrđene su neusklađenosti na 3 od 3 kontrolisana modela grijalica (sve sa ozbiljnim rizikom od požara i opekotina), u navedenim količinama (komada):



Najčešće neusklađenosti odnosile su se na sljedeće: površina poprečnog presjeka napojnog provodnika je manja od minimalno dozvoljene, grijalica ima taster na donjoj strani koji uključuje grijače iako nijedan grijač prethodno nije vidljivo usijan, zaštitna rešetka se može potpuno skinuti bez upotrebe dodatnog alata.





ELEKTRIČNE MAŠINICE ZA ŠIŠANJE

SAVJETI PRILIKOM KUPOVINE

Prilikom kupovine mašinic za šišanje savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

Na proizvodu se moraju nalaziti sljedeće oznake / informacije:

- naziv proizvođača ili oznaka robne marke,
- oznaka modela ili tipa uređaja,
- CE (C) znak usklađenosti,
- vrijednost naznačenog napona ili raspona napona u voltima (V),
- vrijednost snage u vatima (W),
- oznaka prirode napona (~) ili frekvencije u hercima (Hz),
- oznaka klase zaštite,
- oznaka da se mašinic može koristiti u kadama i tuš kabinama  ili
- oznaka da se mašinic može čistiti pod mlazom vode. 

➤ **Da li je uputstvo za upotrebu priloženo uz proizvod?**



Uputstvo za upotrebu mora biti priloženo uz svaku mašinicu za šišanje i mora biti napisano na jednom od službenih jezika u Bosni i Hercegovini. Uputstvo mora sadržavati sve informacije potrebne za sigurno korištenje i održavanje mašinic.

➤ **Da li proizvod ima vidljivih sigurnosnih nedostataka?**

Na mašinicu za šišanje ne smiju biti dostupni dijelovi pod naponom, niti smiju postojati dijelovi koji se mogu skinuti bez alata, a čijim skidanjem postaju dostupni dijelovi pod naponom.


Najčešći rizici kojim su izloženi potrošači prilikom korištenja mašinic za šišanje su strujni udar i požar.

PRAVNI OSNOV

Mašinic za šišanje spadaju u električnu opremu i moraju biti u skladu sa Naredbom o električnoj opremi namijenjenoj za upotrebu unutar određenih naponskih granica („Službeni glasnik BiH”, broj 98/09)

REZULTATI NADZORA MAŠINICA ZA ŠIŠANJE

U okviru aktivnosti nadzora nad tržištem električnih mašinic za šišanje, utvrđene su neusklađenosti na 2 od 7 kontrolisanih modela mašinic, u navedenim količinama (komada):



Najčešće neusklađenosti odnosile su se na površinu poprečnog presjeka napojnog provodnika koja je bila manja od minimalno dozvoljene.

RUČNE ELEKTRIČNE BUŠILICE



SAVJETI PRILIKOM KUPOVINE

Prilikom kupovine ručne električne bušilice savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

Svaka mašina mora biti označena jasno i neizbrisivo sa minimalno: znakom usklađenosti; nazivom (zaštitnim znakom) i adresom proizvođača (ovlaštenog zastupnika); oznakom modela, serije ili tipa proizvoda; godinom proizvodnje, serijskim brojem ako postoji; naznačenim (nazivnim) naponom ili rasponom napona u voltima (V); simbolom prirode napona (~ ili a.c.) ili nazivnom frekvencijom (Hz); nazivnom snagom u Watima (W) ili nazivnom strujom u Amperima (A); oznakom klase II konstrukcije (samo za električne bušilice klase II); oznakom IP broja zavisno od stepena zaštite od prodora vlage; oznakom brzine obrtaja u praznom hodu (o /min); maksimalnim kapacitetom (u mm) futera (stezne glave) bušilice.

➤ **Da li je uputstvo za upotrebu priloženo uz proizvod?**

Uputstvo za upotrebu mora biti priloženo uz svaki proizvod i napisano na jednom od jezika koji su u službenoj upotrebi u Bosni i Hercegovini.

➤ **Da li proizvod ima vidljivih sigurnosnih nedostataka?**

Ručna električna bušilica treba biti tako zatvorena da se omogući odgovarajuća zaštita od slučajnog kontakta sa dijelovima pod naponom, a izvlačenje, uvlačenje ili uvrtanje kabla ne smije biti moguće. Dostupni dijelovi ne smiju imati oštre ivice, neravnine ili vrhove da bi mogli izazvati povrede.

Ručna električna bušilica je alat sa električnim pogonom specijalno dizajniran za bušenje rupa u različitim materijalima kao što su metal, plastika, drvo itd. Najčešće povrede od ručne električne bušilice, pored nepažljivog rukovanja, nastaju usljed strujnog udara i mehaničkih vrsta povreda na rukama, prstima, očima i licu.

Obavezna UPOZORENJA:

„Radi smanjenja rizika od povreda, korisnik mora pročitati uputstvo za upotrebu”



„Koristi zaštitu za sluh / uši kod korištenja udarne bušilice”




PRAVNI OSNOV

Da bi ručne električne bušilice mogle biti stavljene na tržište Bosne i Hercegovine moraju biti u skladu sa Naredbom o sigurnosti mašina („Službeni glasnik BiH”, broj 04/10).

REZULTATI NADZORA RUČNIH ELEKTRIČNIH BUŠILICA

U okviru aktivnosti nadzora nad tržištem ručnih električnih bušilica, utvrđene su neusklađenosti na 2 od 8 kontrolisanih modela bušilica, u navedenim količinama (komada):



Najčešće neusklađenosti odnosile su se na sljedeće: mašina nije propisno označena, izjava o usklađenosti mašine nije priložena uz svaki proizvod i uputstvo za upotrebu nije bilo prevedeno na jedan od službenih jezika u Bosni i Hercegovini.



RUČNI ELEKTRIČNI TRIMERI ZA TRAVU

SAVJETI PRILIKOM KUPOVINE

Prilikom kupovine ručnog električnog trimera za travu savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**

Svaka mašina mora biti označena jasno i neizbrisivo sa minimalno: znakom usklađenosti; nazivom (zaštitnim znakom) i adresom proizvođača; oznakom modela, serije ili tipa proizvoda; godinom proizvodnje, serijskim brojem; nazivnim naponom ili rasponom napona u voltima (V); simbolom prirode napona (~ ili a.c.) ili nazivnom frekvencijom (Hz); nazivnom snagom u Watima (W) ili nazivnom strujom u Amperima (A); oznakom klase II konstrukcije (samo za trimere klase II); oznakom IP broja stepena zaštite od prodora vlage. □

➤ **Da li je uputstvo za upotrebu priloženo uz proizvod?**

Uputstvo za upotrebu mora biti priloženo uz svaki proizvod i napisano na jednom od jezika koji su u službenoj upotrebi u Bosni i Hercegovini.

➤ **Da li proizvod ima vidljivih sigurnosnih nedostataka?**

Ručni električni trimer za travu treba biti tako zatvoren da se omogući odgovarajuća zaštita od slučajnog kontakta sa dijelovima pod naponom, a izvlačenje, uvlačenje ili uvrtnje kabla ne smije biti moguće. Dostupni dijelovi ne smiju imati oštre ivice, neravnine ili vrhove da bi mogli izazvati povrede. Štitnik mora da bude neprobušen i pričvršćen čvrsto ili osiguran sa vijcima, navrtkama ili kočicama kako bi se spriječilo odvajanje bez upotrebe alata.

Ručni električni trimer za travu je alat kod koga rezni element rotira oko ose okomite na tlo i koji se koristi u vrtu za rezanje trave, kao dopuna ili zamjena za kosilice za travu. Najčešće povrede od trimera za travu, pored nepažljivog rukovanja, nastaju usljed strujnog udara i mehaničkih vrsta povreda na rukama, prstima, očima i licu.

UPOZORENJA:

„Čitaj uputstvo za upotrebu”

„Čuvaj posmatrača da budu udaljeni”

„Koristi zaštitu za sluh/uši”

„Izvuci utikač iz napajanja ako je kabal oštećen ili upetljan”

„Ne izlagati kiši”

„Koristi zaštitu za oči” ako trimer za travu nema štitnike sa 360° zaštite



PRAVNI OSNOV

Da bi ručni električni trimeri za travu mogli biti stavljani na tržište Bosne i Hercegovine moraju biti u skladu sa Naredbom o sigurnosti mašina („Službeni glasnik BiH”, broj 04/10).

REZULTATI NADZORA RUČNIH ELEKTRIČNIH TRIMERA

U okviru aktivnosti nadzora nad tržištem ručnih električnih trimera, utvrđene su neusklađenosti na 5 od 7 kontrolisanih modela trimera, u navedenim količinama (komada):

1303

1303

■ Ukupan broj neusklađenih proizvoda

■ Broj proizvoda kod kojih su otkonjene neusklađenosti

Najčešće neusklađenosti odnosile su se na sljedeće: mašina nije propisno označena, uputstvo za upotrebu i sigurnosno uputstvo nisu propisno napisani i izjava o usklađenosti mašine nije priložena uz proizvod.

PLUTAJUĆA POMAGALA ZA UČENJE PLIVANJA



SAVJETI PRILIKOM KUPOVINE



Prilikom kupovine plutajućih pomagala za učenje plivanja savjetujemo potrošače da obrate pažnju na sljedeće:

➤ Da li postoje upozorenja na proizvodu?

Upozorenja na proizvodu moraju se sastojati od riječi „UPOZORENJE” (ili „PAŽNJA”) i pratećeg teksta: NE ŠTITI OD UTAPANJA, UVIJEK DO KRAJA NAPUŠITE SVE VAZDUŠNE KOMORE, UPOTREBLJAVATI SAMO POD STALNIM

NADZOROM i NOSITI NA GORNJEM DIJELU RUKE (samo za kolute oko ruke).

➤ Da li se na proizvodu nalaze obavezne informacije?

Na plutajućem pomagalu se trebaju nalaziti sljedeće oznake / informacije: dozvoljena masa korisnika jednaka opsegu veličina i / ili opsegu starosti korisnika; oznaka standarda BAS EN 13138-1:2010 ili EN 13138-1:2008; oznaka tipa proizvoda i trgovačko ime, model ili kod; ime ili zaštitni znak proizvođača, uvoznika ili distributera. Na pakovanju ili proizvodu (ako je providno pakovanje) treba se nalaziti naljepnica sa specifičnim podacima o plutajućem pomagalu (tabela sa klasom plutajućeg pomagala, predviđena težina korisnika i upozorenje: ne štiti od utapanja - upotrebljavati samo pod stalnim nadzorom).

➤ Da li je uputstvo za upotrebu priloženo uz proizvod?

Uputstvo za upotrebu mora biti priloženo uz plutajuće pomagalo i napisano na jednom od jezika koji su u službenoj upotrebi u Bosni i Hercegovini.

➤ Da li proizvod ima vidljivih sigurnosnih nedostataka?

Plutajuća pomagala na napuhavanje moraju imati minimalno dvije odvojene vazdušne komore i na svakoj vazdušnoj komori mora biti nepovratni ventil. Na svakom nepovratnom ventilu mora biti čep koji je povezan sa tijelom ventila.

Plutajuća pomagala, koja se nose, spadaju u ličnu zaštitnu opremu namijenjenu da se odjene, sigurno pričvrsti za tijelo i koja ima sposobnost plutanja ili se može napuhati. Najčešći rizik kojem su izloženi korisnici plutajućih pomagala za učenje plivanja je rizik od utapanja.

PRAVNI OSNOV

Plutajuća pomagala koja se nose spadaju u II kategoriju lične zaštitne opreme i prema Naredbi o ličnoj zaštitnoj opremi („Službeni glasnik BiH”, broj 75/10) mogu se staviti na tržište Bosne i Hercegovine ili u upotrebu samo ako ne ugrožavaju zdravlje i sigurnost korisnika.

REZULTATI NADZORA PLUTAJUĆIH POMAGALA

U okviru aktivnosti nadzora nad tržištem plutajućih pomagala, utvrđene su neusklađenosti na 5 od 10 kontrolisanih modela plutajućih pomagala (od čega su 3 sa ozbiljnim rizikom od utapanja), u navedenim količinama (komada):



Utvrđene su najčešće sljedeće neusklađenosti: sigurnosni nepovratni ventili ne funkcionišu - plutajuće pomagalo se ispuhuje i zadržava manje od 75% originalnog pritiska; materijal plutajućeg pomagala nema propisanu otpornost na probijanje; nemaju obaveznog upozorenja, pratećih oznaka i obaveznih obavijesti na proizvodu; obavezne oznake i upozorenja nisu unutar 100 mm od ventila; nemaju uputstva za upotrebu ili popratnog lista uz proizvod i na pakovanjima proizvoda nedostaje tabela sa upozorenjem i specifičnim informacijama o proizvodu.



ZAŠTITNA / SIGURNOSNA OBUĆA

SAVJETI PRILIKOM KUPOVINE

Prilikom kupovine zaštitne / sigurnosne obuće savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**



Na zaštitnoj / sigurnosnoj obući se trebaju nalaziti sljedeće oznake / informacije: veličina obuće; identifikacijska oznaka proizvođača; proizvođačka oznaka tipa obuće; godina i, najmanje, kvartal proizvodnje obuće; oznaka standarda tj. BAS EN

ISO 20345 ili BAS EN ISO 20346; te simbol / simboli za otpornost na klizanje (SRA, SRB ili SRC) ili za ostale vrste zaštite (P, C, A, I, HI, itd.), koji odgovaraju predviđenoj zaštiti ili, gdje je primjenjivo, odgovarajućoj kategoriji (za sigurnosnu obuću: SB, S1 do S5, za zaštitnu obuću PB, P1 do P5).

➤ **Da li je uputstvo za upotrebu priloženo uz proizvod?**

Uputstvo za upotrebu mora biti priloženo uz proizvod i napisano na jednom od jezika koji su u službenoj upotrebi u Bosni i Hercegovini, te sadržavati minimalno: pojašnjenje oznaka kojima je obuća označena; primjenu; ograničenja upotrebe; instrukcije za skladištenje, održavanje i čišćenje; te krajnji rok upotrebe ili period zastarijevanja obuće.

➤ **Da li proizvod ima vidljivih sigurnosnih nedostataka?**

- Pritiskom u prednjem dijelu zaštitne / sigurnosne obuće, iznad prstiju, provjerite postojanje zaštitne kapice.
- Vrstom materijala ili hrapavošću đona obuće proizvođač treba omogućiti otpornost na klizanje.
- Donji uložak treba da bude fiksiran na način da se ne može izvaditi bez oštećenja obuće, odnosno u nedostatku istog, treba biti trajno ugrađen gornji uložak.

Zaštitna / sigurnosna obuća je namijenjena za zaštitu nogu na način da smanjuje rizik od povreda izazvanih udarom, probijanjem, klizanjem itd.


Pored rizika od povreda najčešći rizik kojem su izloženi korisnici zaštitne / sigurnosne obuće je hemijski rizik zbog nedozvoljenog sadržaja Cr(VI) u materijalu (koži) od kojeg je napravljena obuća.

PRAVNI OSNOV

Zaštitna / sigurnosna obuća može spadati u II ili III kategoriju lične zaštitne opreme i prema Naredbi o ličnoj zaštitnoj opremi („Službeni glasnik BiH”, broj 75/10) može se staviti na tržište Bosne i Hercegovine ili u upotrebu samo ako ne ugrožava zdravlje i sigurnost korisnika.

REZULTATI NADZORA ZAŠTITNE / SIGURNOSNE OBUĆE

U okviru aktivnosti nadzora nad tržištem zaštitne / sigurnosne obuće, utvrđene su neusklađenosti na 6 od 8 kontrolisanih modela obuće (od čega je 3 sa ozbiljnim rizikom od povreda), u navedenim količinama (komada):



Utvrđene su najčešće sljedeće neusklađenosti: nedovoljna otpornost zaštitne kapice; nepotpuno označavanje proizvoda i nisu kompletne obavezne informacije koje daje proizvođač uz proizvod.

ZAŠTITNE RUKAVICE ZA MEHANIČKE RIZIKE



SAVJETI PRILIKOM KUPOVINE

Prilikom kupovine zaštitnih rukavica savjetujemo potrošače da obrate pažnju na sljedeće:

➤ **Da li se na proizvodu nalaze obavezne oznake / informacije?**



Na zaštitnim rukavicama se trebaju nalaziti sljedeće oznake / informacije: naziv, trgovački znak ili drugi način (brend) za identifikaciju proizvođača ili njegovog ovlaštenog zastupnika; oznaka modela zaštitne rukavice (komercijalno ime ili kod koji dozvoljava korisniku jasnu identifikaciju proizvoda); veličina

zaštitne rukavice; te u slučaju da zaštitne rukavice kategorije II ili III ispunjavaju zahtjeve jednog ili više standarda, moraju biti označene



piktogramom(ima) koji je u skladu sa primijenjenim standardom(ima). Uz piktogram mora biti navedena oznaka primijenjenog standarda i nivoi zaštite. Ukoliko je rukavica kategorije I usklađena samo sa standardom BAS EN 420 ne mora imati piktogram.

Zaštitne rukavice za mehaničke rizike su rukavice usklađene sa standardom BAS EN 388. Rukavice moraju biti označene standardom BAS EN 388 i piktogramom za zaštitu od mehaničkih rizika. Uz piktogram i oznaku standarda kod zaštitnih rukavica za mehaničke rizike mora se nalaziti četverocifreni broj koji označava nivo zaštite npr. 3124, gdje je 3 - nivo otpornosti na habanje, 1 - nivo otpornosti na rezanje sječivom, 2 - nivo otpornosti na kidanje i 4 - nivo otpornosti na probijanje. Veći broj označava veći nivo zaštite.

➤ **Da li je uputstvo za upotrebu priloženo uz proizvod?**

Uputstvo za upotrebu, u obliku priloženog uputstva uz proizvod ili informacija na pakovanju, mora biti napisano na jednom od jezika u službenoj upotrebi u Bosni i Hercegovini, te sadržavati minimalno pojašnjenje oznaka kojima su označene rukavice.


Zaštitne rukavice za mehaničke rizike su namijenjene za zaštitu šaka ili dijela šaka na način da smanjuju rizik od povreda izazvanih habanjem, rezanjem sječivom, kidanjem i probijanjem. Pored rizika od povreda najčešći rizik kojem su izloženi korisnici zaštitnih rukavica za mehaničke rizike je hemijski rizik zbog nedozvoljenog sadržaja Cr(VI) u materijalu (koži) od kojeg su napravljene rukavice.

PRAVNI OSNOV

Zaštitne rukavice za zaštitu od mehaničkih rizika spadaju u II kategoriju lične zaštitne opreme i prema Naredbi o ličnoj zaštitnoj opremi („Službeni glasnik BiH”, broj 75/10) mogu se staviti na tržište Bosne i Hercegovine ili u upotrebu samo ako ne ugrožavaju zdravlje i sigurnost korisnika.

REZULTATI NADZORA ZAŠTITNIH RUKAVICA

U okviru aktivnosti nadzora nad tržištem zaštitnih rukavica za mehaničke rizike, utvrđene su neusklađenosti na 11 od 13 kontrolisanih modela rukavica, u navedenim količinama (komada):



Utvrđene su najčešće sljedeće neusklađenosti: nemaju obaveznih oznaka i obavijesti na proizvodu i nemaju obaveznog uputstva ili popratnog lista uz proizvod.



ELEMENTI ZA ZIDANJE OD GLINE

SAVJETI PRILIKOM KUPOVINE

Prilikom kupovine elemenata za zidanje od gline savjetujemo potrošače da obrate pažnju na sljedeće:

➤ **Da li su proizvodi označeni oznakom usklađenosti?**

Proizvod mora biti označen oznakom usklađenosti propisanom pravilnicima o označavanju građevinskih proizvoda („Službene novine FBiH”, broj 88/10 i „Službeni glasnik RS”, broj 93/12) ili standardom BAS EN 771-1:2012 (na području entiteta Republika Srpska).

➤ **Da li je uz proizvod priložena izjava o usklađenosti?**

Izjavom o usklađenosti se dokazuje upotrebljivost građevinskog proizvoda, a izdaje se nakon provođenja postupka ocjenjivanja usklađenosti tehničkih svojstava građevinskog proizvoda sa tehničkom specifikacijom.

➤ **Da li su uz proizvod priložena tehnička uputstva?**



Proizvođač, ovlaštenu zastupnik odnosno uvoznik građevinskog proizvoda mora prije stavljanja na tržište odnosno upotrebe građevinskog proizvoda izraditi tehnička uputstva. Tehnička uputstva moraju biti priložena uz svaki građevinski proizvod koji se isporučuje. Sve informacije u tehničkom uputstvu moraju biti napisane na jednom od jezika koji su u službenoj upotrebi u Bosni i Hercegovini. Tehnička uputstva moraju sadržavati podatke značajne za transport i upotrebu proizvoda. Uz pisani tekst, tehnička uputstva radi lakšeg razumijevanja, mogu sadržavati nacрте i ilustracije.


Cigla ili opeka je zidni građevinski materijal koji se dobija oblikovanjem, sušenjem i pečenjem plastične smjese glinenog materijala, pijeska i vode. Najčešći rizik koji se javlja kod ovih proizvoda je neispunjavanje odredbi kojima se dokazuje upotrebljivost proizvoda.

PRAVNI OSNOV

Da bi se elementi za zidanje od gline mogli staviti na tržište Bosne i Hercegovine oni moraju ispunjavati odredbe Zakona građevinskim proizvodima u FBiH („Službene novine FBiH”, broj 78/09) i Zakona o građevinskim proizvodima u RS („Službeni glasnik RS”, broj 5/12).

REZULTATI NADZORA ELEMENATA ZA ZIDANJE OD GLINE

U okviru aktivnosti nadzora nad tržištem elemenata za zidanje od gline, utvrđene su neusklađenosti na 5 od 8 kontrolisanih tipova elemenata za zidanje, u sljedećim količinama (komada):



Najčešće neusklađenosti su se sastojale u nepropisnom označavanju građevinskog proizvoda, nepostojanja oznake usklađenosti na proizvodu, uz proizvode nisu bila priložena tehnička uputstva niti izjava o usklađenosti.

TERMOIZOLACIONI PROIZVODI ZA ZGRADE



SAVJETI PRILIKOM KUPOVINE

Prilikom kupovine termoizolacionih proizvoda za zgrade savjetujemo potrošače da obrate pažnju na sljedeće:

➤ Da li su proizvodi označeni oznakom usklađenosti?

Proizvod mora biti označen oznakom usklađenosti propisanom pravilnicima o označavanju građevinskih proizvoda („Službene novine FBiH”, broj 88/10 i „Službeni glasnik RS”, broj 93/12) ili standardima BAS EN 13163:2013 ili BAS EN 13164:2013 (na području entiteta Republika Srpska).

➤ Da li su uz proizvod priloženi izjava o usklađenosti i certifikat o usklađenosti (samo za proizvode sa sistemom ocjenjivanja 1)?

Izjavom o usklađenosti i certifikatom o usklađenosti se dokazuje upotrebljivost građevinskog proizvoda, a izdaju se nakon provođenja postupka ocjenjivanja usklađenosti tehničkih svojstava građevinskog proizvoda sa tehničkom specifikacijom.

➤ Da li su uz proizvod priložena tehnička uputstva?

Proizvođač, ovlaštenu zastupnik odnosno uvoznik građevinskog proizvoda mora prije stavljanja na tržište odnosno upotrebe građevinskog proizvoda izraditi



tehnička uputstva. Tehnička uputstva moraju biti priložena uz svaki građevinski proizvod koji se isporučuje odnosno svako pojedinačno pakovanje. Sve informacije u tehničkom uputstvu moraju biti napisane na jednom od jezika koji su u službenoj upotrebi u Bosni i Hercegovini. Tehnička uputstva moraju sadržavati podatke značajne za transport i upotrebu proizvoda. Uz pisani tekst, tehnička uputstva radi lakšeg razumijevanja, mogu sadržavati nacрте i ilustracije.


Polistiren je sintetički aromatski polimer izgrađen od stirena, tečne petrohemijske supstance. Zavisno od primijenjene tehnologije dobijaju se dvije osnovne vrste proizvoda ekspanzirani polistiren (EPS) i ekstrudirani polistiren (XPS). Najčešći rizik koji se javlja kod ovih proizvoda je neispunjavanje odredbi kojima se dokazuje upotrebljivost proizvoda.

PRAVNI OSNOV

Da bi se termoizolacioni proizvodi za zgrade mogli staviti na tržište Bosne i Hercegovine oni moraju ispunjavati odredbe Zakona građevinskim proizvodima u FBiH („Službene novine FBiH”, broj 78/09) i Zakona o građevinskim proizvodima u RS („Službeni glasnik RS”, broj 5/12).

REZULTATI NADZORA TERMOIZOLACIONIH PROIZVODA ZA ZGRADE

U okviru aktivnosti nadzora nad tržištem termoizolacionih proizvoda za zgrade, utvrđene su neusklađenosti na 4 od 9 kontrolisanih tipova termoizolacionih proizvoda, u sljedećim količinama (komada):



Najčešće neusklađenosti su se sastojale u nepropisnom označavanju građevinskog proizvoda, nepostojanja znaka usklađenosti na proizvodu, uz proizvode nisu bila priložena tehnička uputstva, izjava o usklađenosti niti certifikat o usklađenosti.




SUMARNI REZULTATI NADZORA U 2016. GODINI

SUMARNI REZULTATI PROAKTIVNOG I REAKTIVNOG NADZORA SA PREDUZETIM MJERAMA

U 2016. godini je administrativno, vizuelno i / ili laboratorijski kontrolisan 251 model proizvoda, od čega je 130 modela (374200 komada) bilo neusklađeno sa propisanim sigurnosnim zahtjevima.

Od ukupnog broja neusklađenih komada proizvoda poslovni subjekti su dobrovoljno ili po nalogu inspeksijskih organa izvršili usklađivanje 366929 komada proizvoda sa propisanim sigurnosnim zahtjevima. Sa tržišta Bosne i Hercegovine je povučen i vraćen od potrošača 7271 komad proizvoda od kojih je 4854 komada uništeno.




REAKTIVNI NADZOR U 2016. GODINI

Agencija je u 2016. godini pokrenula 30 predmeta reaktivnog nadzora od čega je u 17 predmeta utvrđeno da se na tržištu Bosne i Hercegovine nalaze 22 modela nesigurnih proizvoda.

Kao rezultat ovih aktivnosti, sa tržišta je povučeno 846 komada proizvoda od čega su 4 komada uništena. Izvršeno je usklađivanje 734 komada proizvoda sa propisanim sigurnosnim zahtjevima.

GRUPE PROIZVODA SA OZBILJNIM RIZIKOM ZA POTROŠAČE




Tokom aktivnosti proaktivnog i reaktivnog nadzora u 2016. godini, identifikovano je 58 modela nesigurnih proizvoda koji predstavljaju ozbiljan rizik za potrošače i koji spadaju u sljedeće grupe proizvoda:

- Igračke
- Električna oprema
- Merdevine
- Proizvodi za djecu
- Sportska oprema
- Lična zaštitna oprema
- Oprema za telefone
- Proizvodi koji dolaze u kontakt sa kožom

SUMARNI REZULTATI NADZORA U 2016. GODINI




VRSTE RIZIKA



PORIJEKLO PROIZVODA SA OZBILJNIM RIZIKOM

Analizom rezultata proaktivnog i reaktivnog nadzora iz 2016. godine, ustanovljeno je da najviše nesigurnih proizvoda sa ozbiljnim rizikom za potrošače vodi porijeklo iz Kine (79%).





LISTA PROIZVODA SA OZBILJNIM RIZIKOM

Rb.	Proizvod	Naziv/model/tip proizvoda	Zemlja porijekla	Vrsta rizika
1.	Igračka konjčić	My little pony 815	Kina	Hemijski rizik
2.	Igračka konjčić	My little pegas 264618	Kina	Hemijski rizik
3.	Igračka konjčić	Smart pony XQ816-X	Kina	Hemijski rizik
4.	Igračka konjčić	Girl Prettines Lovely TEZ 12069	Kina	Hemijski rizik
5.	Igračka konjčić	Little pony	Kina	Hemijski rizik
6.	Igračka konjčić	My little horse No.3285	Kina	Hemijski rizik
7.	Igračka konjčić	Fashion horse	Kina	Hemijski rizik
8.	Igračka konjčić, set	Cute little Pony	Kina	Hemijski rizik
9.	Igračka konjčić sa dodacima	My little pegasus NO 6618-A	Kina	Hemijski rizik
10.	Igračka lutka	Baby doll 533794	Kina	Hemijski rizik
11.	Igračka lutka	Cartoon Elsa F209	Kina	Hemijski rizik
12.	Igračka lutka	Yong	Kina	Hemijski rizik
13.	Igračka lutka	Smile Fashion Girl	Kina	Hemijski rizik
14.	Igračka lutka	Cherry 713963	Kina	Hemijski rizik
15.	Igračka lutka	Surprised Fashion No.9250	Kina	Hemijski rizik
16.	Igračka lutka	Bella bestia	Kina	Hemijski rizik
17.	Igračka lutka	Happy Angel	Kina	Hemijski rizik
18.	Igračka plastična okrugla ljuljačka	Happy People Id.br.#03153; Br.artikla: 73225, 422-9927	Njemačka	Rizik od povreda
19.	Igračka okretna zvečka	TINY LOVE 00743	Kina	Rizik od oštećenja sluha
20.	Električna mašinica za šišanje	Barwn BR-4618	Nepoznata	Rizik od strujnog udara i požara
21.	Električna mašinica za šišanje	Domotec MS-4606,	Nepoznata	Rizik od strujnog udara i požara
22.	Prenosna dječija svjetiljka	YKC Marketing tip 4200	Turska	Rizik od strujnog udara i požara
23.	Prenosna dječija svjetiljka	Nepoznat	Kina	Rizik od strujnog udara i požara
24.	Prenosna dječija svjetiljka	Nepoznat	Kina	Rizik od strujnog udara i požara
25.	Prenosna dječija svjetiljka	Nepoznat	Kina	Rizik od strujnog udara i požara
26.	Prenosna dječija svjetiljka	14H20-274	Kina	Rizik od strujnog udara i požara
27.	Prenosna dječija svjetiljka	YKC Marketing tip 1600	Turska	Rizik od strujnog udara i požara
28.	Prenosna dječija svjetiljka	Nepoznat	Nepoznata	Rizik od strujnog udara i požara
29.	Prenosna električna svjetiljka	B-440	Kina	Rizik od strujnog udara i požara
30.	Prenosna električna svjetiljka	R63509	Kina	Rizik od strujnog udara i požara
31.	Prenosna električna svjetiljka	DY9973	Kina	Rizik od strujnog udara i požara
32.	Električna kvarcna grijalica	AWT HH10-4S	Kina	Rizik od požara i opekotina
33.	Električna kvarcna grijalica	LUXEL LX-2820	Kina	Rizik od požara i opekotina
34.	Električna kvarcna grijalica	TRISTAR KA-5011	Kina	Rizik od požara i opekotina

LISTA PROIZVODA SA OZBILJNIM RIZIKOM



Rb.	Proizvod	Naziv/model/tip proizvoda	Zemlja porijekla	Vrsta rizika
35.	Kućne merdevine	D05D/03 (2+1 gazišta)	Bosna i Hercegovina	Rizik od povreda
36.	Kućne merdevine	Elips (2+1)	Turska	Rizik od povreda
37.	Merdevine	Sarayli (4+1)	Turska	Rizik od povreda
38.	Merdevine	Casasteel 3+1	Poljska	Rizik od povreda
39.	Merdevine	Helping tools WG 604-4, Al 3+1	Kina	Rizik od povreda
40.	Merdevine	Damla Kodi 1000	Turska	Rizik od povreda
41.	Merdevine	SM Jackson 2+1	Turska	Rizik od povreda
42.	Dječiji bicikl	ZX-117 12"	Kina	Rizik od povreda
43.	Dječiji bicikl	BMX LM Super Star 1818	Kina	Rizik od povreda
44.	Dječiji bicikl	TYO 14 Green/Finz Japan	Kina	Rizik od povreda
45.	Dječiji bicikl	Robi HT 12P	Kina	Rizik od povreda
46.	Dječiji bicikl	Super Star 16 Lan Q	Kina	Rizik od povreda
47.	Dječiji bicikl	Kubage 12"	Kina	Rizik od povreda
48.	Skejtboard	Tempish Metropol	Kina	Rizik od povreda
49.	Skejtboard	No Fear JNR 40; 751042-91	Kina	Rizik od povreda
50.	Skejtboard	Skybord 325 K 128/15	Kina	Rizik od povreda
51.	Skejtboard	ST-2406/2406	Kina	Rizik od povreda
52.	Skejtboard	Smurfs	Kina	Rizik od povreda
53.	Sigurnosna obuća	Safety Shoes 223430, 223431 i 223432	Kina	Rizik od povreda
54.	Zaštitna obuća	Rockrooster Bullet FC-007	Kina	Rizik od povreda
55.	Prsluk za plivanje	Bestway 32069	Kina	Rizik od utapanja
56.	Mišići za plivanje	Intex 59642NP	Kina	Rizik od utapanja
57.	Zaštitne maske za pametne telefone iPhone i Samsung	5997/300/808; 5997/301/600; 5997/303/808; 5997/304/990; 597/305/990; 5997/306/990; 5997/307/990; 5997/308/990; 5997/313/990; 5997/314/990; 5997/328/302; 5997/329/302; 9993/312/620; 9993/309/302; 5993/352/250; 5993/330/403	Kina	Hemijski rizik
58.	Drikeri na tabli	White rabbit	Kina	Hemijski rizik

